

For di propio seno di POR

Tin informacion cu tur e accionnan na Serlimar ta ser orkesta pa Minister Otmar Oduber

E reunion publico di Parlamento, cu mester a tuma lugar ayera a ser para cu algun persona a dobla y a forza Rocco Tjon pa pidi Presidente di Parlamento, mr. Ady Thijsen pa para e reunion y cu dia 1 di januari 2019, e medidanan anuncia pa pago pa recogemento di sushi lo drenta na vigor.

Consecuentemente a bolbe habri dump na Parkietenbos, pa por sigui benta sushi eyriba. Pero tambe ta ser bisa cu tur e accion organisa, t'e propio Minister Otmar Oduber ta tras di tur esaki, pa haya un way-out, pa alarga e decision cu el a tuma, despues di a tuma nota di reaccionnan cu tabatin.

Si mira kendenan tabata den e manifestantenan, ta meramente coordinadornan di propio Minister Otmar Oduber, e.o. Ofelia Bijde, kende a keda retira for di Serlimar, pero ta Minister Otmar Oduber a tume bek na Serlimar. Ofelia Bijde t'e persona cu tabata dirigi e manifestacion, laga pasa cu ta contra di decisionnan di Otmar Oduber, pero el a forma parti di e dirigente di e orkesta.

Ayera mainta un grupo di trahador pa bay Parlamento pa confronta esnan di MEP den Parlamento y tabata obvio ta cu

e trahadornan no ta comprende e strategia cu e Gobierno ta hungando cu nan

Gobierno a anuncia cu lo bay duna un tempo di 6 luna pa reconsidera y prepara p'e medida pa loke ta recogimiento di sushi, mientras cu Minister Otmar Oduber a sali afo, bisando cu nada a cambia y ley ta dun'e autoridad cu Serlimar t'e compania pa recoge sushi y mantene Aruba limpi.

Den mesun rosea Otmar Oduber a laga sa si un compania priva ta sinti cu e ta fuerte, el a reta e compania (EcoTech) pa bay Corte.

E strategia di Minister Otmar Oduber tabata pa haci comosifuera cu ta traha na beneficio di pueblo y tur esaki ta contrario n'e desaster cu Parlamentarionan di MEP-POR-RED a acorda pa bay desgracia bida di nos hendenan cu medida.

Ayera mainta, loke a pasa ta cu a pospone ehecucion ya acorda, pa calma e situacion, pa cual e tension ta hopi halto caba.